

歸

樸

齋

詩

鈔

伯氏劄剛先生往年嘗爲詠史四言詩數十百首紀游擬古友
朋誄唱爲五言古詩三百餘首藏之篋衍閱不示人同治己巳
孟夏奉先妣歐陽侯太夫人板輿發金陵就保定節署行次清
河副舟不戒於火兄之詩文襍草所著小學訓詁聲韻諸書稿
本及手按子史如干部皆蕩爲煨燼獨近體數十首詩冊存紀
鴻處得全兄爾後遂不甚作古詩嘗云古質而今妍妍則易成
質者難好吾爲其易者聊以頤性自娛而已再毀棄之亦所不
惜篇成漫不省記蓋散佚又不少矣余不甚爲詩而伯氏以爲
可與言詩時時出手草相示余則錄而存之辛未以前經先太
傅批閱圈識者鈔爲上卷壬申以後諸作附次焉兄閱博淵雅

捷敏兼人故視近體爲易自余觀之飄逸絕俗則秉之天資精
湛入古則由於績學殆非率爾操觚者所能躡而及也舊所失
四五古詩宜爲甲乙丙丁集今之編錄署爲戊集後此當廣續
而輯之光緒丁丑孟冬曾紀鴻識

歸樸齋詩集目錄

戊集上卷

寄李眉生徐州

景桓樓題壁

不雨

七月七日喜雨

中秋寄李申夫

寄李眉生

壽九叔父威毅伯

送四妹歸郭氏呈筠仙丈二首

詩集卷一
寄吳竹莊

題張鑄庵邑侯樹萱種竹圖小像

新居二首

從弟紀湘成昏卽席戲占二首

次韻郭伯琛丈由粵東假歸述懷畱別詩四首

山居春日晨起二首

送從弟紀渠之鄂

清明

銅梁山

昭忠祠

苦雨歎三首

灰

東劉伯固

呈外舅劉霞仙先生

七月八日作

兩

懷人三首

丁卯仲秋送諸弟省城應鄉試寓黃氏宛園外舅劉霞仙先生撫秦罷歸同宴園中約賓主各獻所能於是黃子壽與弟縱飲郭樗叟作草書霞丈與紀澤各賦詩也

侍霞仙丈池上夜話

題尹金陽蒼莊獨立圖

九日偕栗誠登鶴鳴山時余方病溼瘡而弟下第

十月朔日咏桂

病中口號

上外王父歐陽福田先生外王母邱太宜人四首

次韻黃少崑重陽展重陽二首兼呈王逸梧楊朋海逸梧
朋海既和少崑詩續賦三十餘篇皆用其韻至於十八
疊而不休可謂勤矣舟次夜靜聊一効之往者友人語
我文字自隨唐而下無復足觀既篤信其說於近體詩

歌不甚措意朋儕投贈絕不屬和甚矣其惑也夫質文
遷變繁簡異宜工拙之際不關形似何須貌爲詰屈以
示奇古強事纖靡自矜華富韓文杜詩其美者乃與六
經同工何可忽也東坡山谷放翁諸公偉才逸趣亦自
不可磨廢概從菲薄殆非篤論書余所悔以質同人詩
意亦微及之

十月十五夜過洞庭

過武昌小住

火輪船

銀鑿赤

登樓

題陳杏生小像

贈五崧生

遊秦淮河次崧生登黃鶴樓詩韻

七月七日遊元武湖荷華尙多望日重至凋謝盡矣賦呈
同遊諸君廉防苦多睡前後遊皆不與并以調之

東坡生日二首

吳竹莊方伯入京 陛見過保定小住紀澤奉 大人命

考廕引見與竹莊偕行道呈二律

贈許仙屏

以所箸說文重文本部攷示仙屏

登景州開福寺塔贈僧玉安

僧故軍官

九日喜張廉卿至

大人巡閱蘇滬紀澤未得隨侍作雙聲詩贈曹鏡初比部
送劉康侯南歸兼示伯固

讀外舅劉霞仙先生尺牘有感

歸樸齋詩鈔戊集上

湘鄉曾紀澤劼剛箸

寄李眉生徐州

我發彭城二月朔遷延不發與君期期君不至行相左茲會無
緣後豈知離合真如盤汞走歡愁等是隙駒馳何當更試君房
墨爲寫寒山峭石詩

先太傅批云歡愁句佳

民隱軍儲萬緒焚江淮千里况塵氛風聲鶴唳時聞警雲起龍
驤共策勳間作詩歌酬壯士怪無消息慰離羣懸知憑眺黃樓
上不乏飛鴻向楚雲

先太傅批云有詞采

景桓樓題壁

小園紆曲繞山頭江岸風光一閣收
戈馬十年猶浩劫蕞鱸千里又清秋
新芟惡竹千竿盡獨立高梧百尺遒
洞闢北窗勤眺望白雲深處是中州

不雨

愁霖颯沓乾坤晦酷暑熒熒號令偏
紅日十輪金躍冶丹霞千里火燒天
更無疎雨隨風落坐看時花帶葉嬌
聞道吾鄉上腴地常平石米六緡錢

七月七日喜雨

百道原泉廢不流大田無復翠盈疇九天宣詔誅炎魃四面同
雲起臥虯積熱釀成三寸雨新涼贏得二分秋怡情各有胸中
事我與勞農兩醉謳

中秋寄李申夫

鶴樓粗復舊簷楹佳節無由對舉觥楓荻愁人秋氣老江湖異
地月華明六朝煙水茫無際三變滄桑漠不驚煮酒待君君未
至扁舟吾亦問歸程

寄李眉生

花梨書架紫檀牀福慧雙脩勝畫堂夫婿高華蘇玉局仙娥清
婉杜蘭香頗聞吉語傳鴻雁可有新雛似鳳皇世事白雲蒼狗

變養成英物貢天閭

壽九叔父威毅伯

衡嶽峨峨九面開扶輿靈氣鬱胚胎瑞霞明麗長相護壽骨麟
峴不可殯伯仲東征崇五等丙丁南極對三台非關子姓私稱
頌偉績仁聲已八垓

長江東北大河南中有崔蒲久未戡介壽金尊陳凱樂防秋鐵
騎整歸驂福田暖有煙生玉氣海溫無雪上蓼勳業日隆懷益
澹湛然明月印千潭

先太傅批云二首工整

送四妹歸郭氏呈筠仙丈二首

夜半天東起瑞霞
笙鐘環繞七香車
穿林戢戢竹初筍
照眼紛紛梅自花
室攬眾山來戶牖
田畱數頃課桑麻
借斟卮酒酬吾妹
慶汝于歸積善家

劉公兩鬢早成霜
德業與公誠雁行
縞紵幾家相許與
關山萬里各行藏
鳴鳩乳燕春將及
風虎雲龍事未央
頤性林泉眞早計
東山何以慰民望

先太傅批云次首情韻俱勝

寄吳竹莊

丙寅仲冬歸家作

男兒三十解驚秋
鐘鼎山林兩未謀
炙輠雕龍畱笑語
尻輪神馬得歸休
關心世事今滄海
屈指友生君白頭
江上往來舟似

詩集卷一
織邀誰爛醉閱颿樓

先太傅批云藻采甚佳

題張鑄庵邑侯樹萱種竹圖小像

契闊時多會合難展圖一笑接餘歡靈萱也應八千歲新竹正
宜三萬竿偶著黃冠披野服曾憑赤手障狂瀾玉皇香案當年
吏長嘯猶能集鳳鸞

先太傅批云尙無俗句然題圖詩總宜少作

新居二首

朝遊廛市暮林泉碧水紅塵都有緣但得琴書常供養不嫌車
馬日喧闐埽牀小睡清無夢拂几凝思靜欲仙會買竹秧三百

本春來爲種北窗前

酸鹹嗜好誰能無
種菜養魚聊自娛
小葉昌蒲舒鳳尾
脩莖粉籜長龍雛
室依空谷吟成響
池有流泉旱不枯
世變滄桑馳聖哲
天生邱壑置羸駑

先太傅批云胸襟灑落一氣卷舒

從弟紀湘成昏卽席戲占二首

天際彤雲擁翠微
綠紅梅萼照裳衣
青鸞遠翥三星轉
絳蠟初明百兩歸
萬古豪情生淺斝
羣英妙舌騁珠璣
莫吟柳絮因風句
且爲郎君一解圍

先太傅批云萬古句佳對語不稱

讀書月止卷
四
阿連淵默以詩鳴銅鉢頻催句未成
鬪捷不辭三北罰選詞時
有二南聲筵前螺盞傾桑落
天上蟾輪茁桂英酒醉月明歌再
發爲君更奏白華笙

先太傅批云此首工穩

次韻郭伯琛丈由粵東假歸述懷畱別詩四首

獨運蟠胸十萬兵建牙吹角五羊城
三年威惠孚殊俗一代文章副盛名
南徼征塵頭早白西風歸棹月初明
縱橫萬象渾無繫卓犖觀書二尺檠

古來勲業出清流玉尺空橫是隱憂
自有羣賢稱楚寶更無速化似齊謳
從知屠狗能爲將行見爛羊虛得侯
此意公營三歎

息長篇封入致書郵

卅年老友鶴鳴陰秦粵相望槩戟森有叟挂冠仍鞅掌羨公投
紱已山林頻年金鼓猶雷震 聖代恩波似海深近日元侯讓
開府何當俯順老臣心

一切成灰百萬家桑田東海尙無涯不聞青玉可爲案但見黃
臺方摘瓜幽谷三春賡伐木洞庭八月泛流槎鍵門三復廉頗
傳懷古長歌白露葭

先太傅批云四首格老而氣昌

山居春日晨起二首

銅梁東嶺三千仞桃樹西岡千仞強陋室枕山殊不惡低田蓄

水莫愁荒連林雨過枰欄綠小苑春深峽蝶黃舍北老人無一事繞塍相與久徜徉

先太傅批云起句意趣奇拙頗似山谷

巒障周迴一徑幽平田百畝近先疇自饒野屋成天趣長與鄰農作勝遊密樹晨晴方噪雀小溪春漲劣容舟夷然咏嘯今忘我那復關心到九州

先太傅批云收句逸

送從弟紀渠之鄂

荆吳異地建高牙伯仲勳名四裔誇與爾簪纓承世族相期韋布守儒家長風子欲凌霄漢鈍鐵吾真愧鎡鈇林藪市朝今異

趣束身圭璧總無瑕

舉杯豪飲興方賒
擊劍高歌樂未涯
大地干戈長擾攘
少年芒角自矜牙
神禽豈復甘籬落
天馬終能奮渥洼
我似閒雲時出岫
逢君一醉釣魚槎

先太傅批次首云神頗俊

清明

和風有信隨花發
細雨無聲帶露霏
約共弟兄脩禊去
行逢鄰里埽墳歸
山蟬夾道鳴相續
白鷺滿田閑不飛
野草幽葩誰是主
無人兀自騁芳菲

銅梁山

連山壁立互銅梁屏障縈迴百里長隔樹羣峯排鳥翅插天踴
道訕羊腸春深野草香無際泉近高田旱不荒浩蕩晴空雲霧
盡忽看衡嶽出蒼茫

昭忠祠

沙場征戰古來悲十載升沈一瞬時 綸綍九重黃紙詔春秋
二祀白門祠生無燕頤膺高爵死博龜趺戴 御碑屠狗建牙
甯有等河山廟貌共雄奇

苦雨歎三首

六十年前丁卯歲禾苗旱死吁無遺每聞父老占農事常恐凶
荒似昔時蒼昊降災甯有例愁霖經月亦難支可憐舍北秧青

處昨日化爲三頃陂

先太傅批云杜公撥悶十二月一日寄常徵君示獠奴峽中覽
物呈吳郎立春等篇律詩之專以筋勝者黃魯直虞伯生每
學之此亦略師其意然畫虎不成或恐類犬此種不宜多作
陸公學杜多學其悲壯及閒適二種最得真詮

舍南淺井是真泉足溉山根十畝田似有蛟龍宣溼氣頗嫌蛙
鼃出庭前舉頭雲霧低如壓滿眼莓苔百不鮮苦憶城西吳訓
導可堪鎮日長酣眠

中原困獸猶能鬪喪我雄兵千許人小隊未成鵝鵲陣將軍已
邁水雷屯連年薪米同珠桂數道烽煙劇楚秦世事定知何日

好鍵門一醉動兼旬

灰

三更絳蠟獨凝思
九陌紅塵靜不知
玉琯陽回吹律日
金鑪香爇換薰時
劫殘聊問東方朔
心逸真同南郭綦
底事儒生錢若水
偏逢火筴畫微詞

先太傅批云似義山

東劉伯固

吾生羸弱似孩童
世亂常思塞門聰
誰謂舍南纔百里
昨來夜半刈三雄
捷書到我神先王
義膽如君眾所崇
似有蟲沙未全淨
追奔莫惜雪花驄

烽煙絡繹十餘載荆棘縱橫六百城昔定東南豺虎患端資山
澤龍蛇兵賣刀買犢猶無賴袒臂刑牲相與盟正恐蕭牆憂未
已暫時高枕壓虛驚

劉甥勇決吾能知

爾雅要之
弟爲甥

倉卒折衝人乃奇經術何曾在章

句將門行復見旌麾中原桑海良多變南楚英豪方未涯笑我
儒冠百無用歡狂一唱紀功詩

先太傅批次首云氣勢驅邁

呈外舅劉霞仙先生

超超慶鳳出蒼冥藉藉聲華徹帝廷三峽新軍喧鼓角五年
巍績著丹青人間謗議南箕口天上輝光北斗星春水白雲歸

去好心閒久已忘鐘銘

洞庭春漲走蚊龍
雨過蒲帆趁好風
小艇近維楊柳岸
故園重見蕙蘭叢
半生寵辱身何預
七字詩歌暇益工
我自狂吟漫無律
深慚李漢侍韓公

七月八日作

昨宵瓜果供牽牛
乍轉涼飈萬物秋
夜靜偶聞鳴絡緯
露寒先欲撼梧楸
低田水過沙如雪
對嶺風高稻滿疇
畝稅莫援豐歲例
今年纔得七分收

雨

腐儒從事力田科
晴雨關心入醉哦
中伏時陽暄早稻
初秋甘

澤沛遲禾家承韋布貧無累吏得龔黃政不苛卻輓輶車問天
使京畿苦旱近如何

懷人三首

高士襟懷豪俠骨英奇自與人殊科雄軍百戰江淮海餘事兼
長書畫歌壞塔風雷搖鐵馬顏垣荆棘露銅駝酒酣觴景淚橫
臆老有餘鋒曜太阿

大辯雄談駭天下江河一決數千言從知雋論難爲賞俯視羣
流益自尊曾任禮官陳俎豆出參戎幕走乾坤十年嗜好消磨
盡尙愛花驄屬錦韉

先太傅批云二首風格似黃山谷有票姚飛動之氣故可喜

眼前吾見風流伯西蜀李侯誰比倫字尙側鋒能絕俗詩非險
語卻驚人冰壺朗照無藏影玉樹高標不染塵聞道爲官苦羈
束觥籌儻作舊時春

先太傅批云收句好

丁卯仲秋送諸弟省城應鄉試廡黃氏宛園外舅劉霞仙
先生撫秦罷歸同宴園中約賓主各獻所能於是黃子
壽與弟縱飲郭樗叟作草書霞丈與紀澤各賦詩也

龍門千仞起潛虯赤火烏雲擁迅流各奮鱗而騰紫極坐興風
雨轉清秋紛繁無盡花經眼肮髒何堪屋打頭送汝蓬壺吾去
也一船煙水逐輕鷗

竹舞柳搖荷未殘
宛園秋色已千端
忽聞奇句嘯龍虎
起作草書翔鳳鸞
得失豈慚籌筆驛
乘除姑付算珠盤
黃雲四野饒新秋
且酌香醅一盡歡

先太傅批云二首頗得古人間適之趣

侍霞仙丈池上夜話

萬里塵沙一嘯空
摩天黃鵠謝樊籠
指揮泉水添新沼
撿點歌吟綴舊筩
宵影射眸花映月
秋聲盈耳竹生風
幾年旋斡乾坤事
付與時人代計功

先太傅批宵影一聯云佳句似放翁

題尹金陽蒼茫獨立圖

尹子丹青與化俱 眾生指下判榮枯
近當樗散亡聊日 自寫蒼茫獨立圖
大海波濤揭地起 高秋雲霧漫天鋪
舉頭四望渾無物 夢想人間顧與吳

先太傅批云傲岸不羣

九日偕栗誠登鶴鳴山時余方病溼瘡而弟下第

好山蔥蒨日當門 峯嶂玲瓏草樹繁
秋雨重陽尋石窟 天風萬里盪雲根
固知阮藉工長嘯 豈有劉蕡悔直言
六盤相忘千慮靜 不嫌斑駁起鱗痕

先太傅批云意興色澤俱近東坡

十月朔日咏桂

何年移種自瀛洲
慣閱風霜送晚秋
密葉當窗翠玉片
繁英照眼黃金毬
已令殘菊讓三徑
坐見老梅輸一籌
無盡光華須內斂
休同百草競春愁

先太傅批云胸次恬適胎息甚高

病中口號

病中嗔想擾天君
養氣無功百慮勞
虛室晝陰憎過鼠
深山秋盡苦多蚊
試方難信三年艾
忌飲偏懷一甕雲
卻怪徐州羸觀察
能麾白羽定千軍

上外王父歐陽福田先生外王母邱太宜人四首

湘川明媚三千里
衡嶽神奇七二峯
西極一峯名鳥鶴
東隅萬

綠捧芙蓉扶輿靈氣鍾明德翼鏤高年轉壯容雪鬢霜髯成韻
事重吟卻扇譜笙鐘

合匏昏悅燭生煙梁孟風流六十年楓陛初承 天子詔蓬山
今見地行仙全家道氣濃如醴後輩文心湧似泉子賦菁莪孫
泮水曾孫解誦閼宮篇

廿年京國仰魚軒芝誥曾封一品尊歸祝雙親千萬壽復膺三
命 九重恩簪纓仍藉家聲重韋布無忘世業存投老尙聆矜
輓誠天將奇福賜清門

國老從來入上庠重遊泮水亦輝煌耄年不懈勤鉛槧大隱甯
須釣玉璫嶺上寒梅開百樹筵前朋酒瀉千觴鴛鴦七二人爭

羨况是神州老鳳皇

先太傅批云重諸花燭題頗俗詩中卻無俗句

次韻黃少崑重陽展重陽二首兼呈王逸梧楊朋海逸梧
朋海旣和少崑詩續賦三十餘篇皆用其韻至於十八
疊而不休可謂勤矣舟次夜靜聊一効之往者友人語
我文字自隨唐而下無復足觀旣篤信其說於近體詩
歌不甚措意朋儕投贈絕不屬和甚矣其惑也夫質文
遷變繁簡異宜工拙之際不關形似何須貌爲詰屈以
示奇古強事纖靡自矜華富韓文杜詩其美者乃與六
經同工何可忽也東坡山谷放翁諸公偉才逸趣亦自

不可磨廢概從菲薄殆非篤論書余所悔以質同人詩
意亦微及之

牒訴軍書流水盡案頭詩草積成山將軍愛客真如渴文士相
逢例不閒羨汝屠牛無頓刃笑余窺豹得新斑驂騑綠耳都摩
壘策蹇何妨一叩關

當年作賦擬靈光眼底無人錐處蘘漸覺望洋因向若始知卻
曲本迷陽霜餘草樹生機在日暮江天秋興長邂逅王楊真畏
友各翻筌拍譜伊涼

先太傅批云筆能宛轉盡意亦與東坡爲近

十月十五夜過洞庭

良天夜靜蛟龍睡
悄度重湖輕艣鳴
戍卒徼巡吹畫角
榜人報賽擊銅鈺
月明照水雙輪滿
風定無波一鏡平
檣櫓縱橫名利客
忘機吾與白鷗盟

過武昌小住

先皇癸丑暮春初
發軔京畿奉板輿
此地空城餘燹火
逢人羽檄走軍書
重經江漢雙流水
歷覽英賢百戰墟
中夜笙歌喧九市
荆榛瓦礫豈余除
先太傅批云流利可喜

火輪船

溼霧濃煙障碧空
奔鯨破浪不乘風
萬鈞金鐵雙輪裏
千里江

山一瞬中島嶼羈氓成僕隸梯航奇局闢鴻濛中原指顧殲羣盜藉汝揚聲東海東

先太傅批云有軒昂跌宕之致

銀髮赤

李侯愛馬得英物焚焰霞光照眼紅三尺銀髮每自喜十年鐵骨猶能雄世無伯樂識千里天與使君畱一聽問道渥注龍種少近時不貢新豐宮

登樓

深嚴祕署埋頭坐暮上重樓忽眼明歸馬各尋官道去寒鴉爭度女牆鳴哇中新菜何時綠城外青山入望平小圃雙池一池

滿枯棹聲罷水初清

題陳杏生小像

憶昔孩童走帝京我纔兩歲君三齡中間離合盤流承此日
遭逢髮有星四海橫波平復起七閩征轡影隨形於今始畫歸
休室紅杏開花苦竹青

贈五崧生

昔時居近紫微宮絳蠟寒氈相過從十五年來更萬變三千里
外喜重逢江南水石多名勝亂後樓臺祇舊蹤百頃荷花後湖
裏偕君斗酒一從容

遊秦淮河次崧生登黃鶴樓詩韻

中原戈馬天教靖 北極朝廷道再昌
十里秦淮迴月舫 百星鎧光照霞觴
初聞雁侶鳴天際 更送鴈行侍帝傍
瑟瑟西風雙槳急 叩舷長嘯共清狂

七月七日遊元武湖荷華尙多望日重至凋謝盡矣賦呈
同遊諸君廉防苦多睡前後遊皆不與并以調之

舞閣歌堂一炬空 長蛇封豕十年雄
揚塵東海時三變 洗甲南都日再中
小艇獨凌千頃碧 殘荷猶見萬花紅
西風幾夜催零落 百億蓮房餉醉翁

先太傅批揚塵一聯云句法跌宕

山頭旭日照君榻 天末涼風吹我襟
閨歲入秋無酷暑 晴雲當

畫結層陰東關古渡名桃葉南國羣賢會竹林閉戶新詩如潑
水可能懸和樂游吟

東坡生日二首

坡老遊仙竟不歸丹青圖畫是耶非清樽赤壁今如昨羽服黃
樓古所稀人世南箕多謗議中天北斗自光輝醉呼李委攜長
笛更借新聲譜鶴飛

誰與先生證夙因端從佛祖認前身一官遷謫飽山水千首詩
歌泣鬼神暮景嶺南歸去好吟魂江上往來頻騷壇萬古齊低
首朋酒年年作好春

先太傅批云句調渾成音節諧適

吳竹莊方伯入京 陛見過保定小住紀澤奉大人命考
廕引見與竹莊偕行道呈二律

朝天中道駐雙鳧驕蒼蠅相與俱入覲各吟魚在藻承平已
見鳳棲梧兩行綠樹迎征轡九陌黃塵達 帝都離別苦多歡
會少我歌君合飲千觴

先太傅批云起結均得勢

廿年戎馬知誰健 千古文章有定論偉績不爲羣謗掩舊書長
擁百城尊四時花竹三椽屋萬頃煙波半畝園他日歸田宜報
我謁公同賞蕙蘭蓀

贈許仙屏

顧兔跋鳥爲底駛紙鳶竹馬幾何時眼中重得瞻黃屋鬢上居然有白絲漫道上林能獻賦且將濁酒共論詩舉觴邀月吾先醉脫帽簪花君莫疑

疾驚高騫世已多許侯清福自殊科束身無改圭璋度到處可爲安樂窩亂石有行成小嶂古槐隨意發奇柯玉皇香案閒無事一吏翛然近薜蘿

先太傅批束身一聯云二句似山谷

以所箸說文重文本部攷示仙屏

經術君家南閤叟儒生百世不祧宗雕蟲小技曾何補刻鵠粗成且自封微業豈關塵世事癡心甘作石田農未能徧覆人間

瓶指爪姑畱雪上蹤

登景州開福寺塔贈僧玉安

僧故軍官

龍象不歸檀越散千年闌若久蕭條新搆壞壁安三寶猶賸浮
圖插九霄絕頂欲瞻雙鳳闕層雲正蔽五龍橋怪君不戀封侯
賞輕謝藥韃事寂寥

九日喜張廉卿至

碧桃成實海爲田一別先生十五年京國雍容寒月夜江湖邂逅
暮雲天品高黃菊花爭冷文老丹楓葉喻妍肥遯著書成幾
許開局吾與次韋編

先太傅批品高一聯云句格頗奇

大人巡閱蘇滬紀澤未得隨侍作雙聲詩贈曹鏡初比部
公孤經國固基扃韃弣藥弓鞏故京戟閣綸巾觀郢劫錦闥緱
劍競歌賡旣教江介蠲戈甲更見郊居急稼耕古桂句村佳菊
皎羹雞膾鰕舉金觥

先太傅批云氣機流動不爲雙聲所縛故可喜

送劉康侯南歸兼示伯固

元方撫劍作雷音哲弟高歌倚素琴德性委蛇垂佩玉丰標凝
重鑄精金五年別子青天遠兩鬢愁余白髮侵佛鉢曇花空一
現枉勞存問意何深

時余有東門吳之戚康侯之來慰省其姊也

飄輪激箭注江干握手清溪一笑歡鐙燭共光甯易得尊罍入

詩集卷一
手莫辭乾高談往往寒更盡嘉會匆匆好夢闌歸省高堂雙白
髮早憑尺鯉報平安

讀外舅劉霞仙先生尺牘有感

萬里狼烽斂毒煙鄉閭未識中興年無端稅畝同加賦終歲嚴
兵等戍邊駝說養民如種樹聃言治國類烹鮮高風夙絕誰能
賞虛有仁言載簡編

先太傅批云律詩約分句法章法兩種講句法者奇警蘊藉鍼
線滅迹以王摩詰劉文房爲最而少陵集其成講章法者氣
機流動開合自然以劉夢得白樂天爲最而東坡集其成歷
代作者各有偏勝然果能名家則精於句法者未嘗無卷舒

自如之章精於章法者未嘗無雄奇秀絕之句又不可偏廢也此卷頗講章法體質於劉白大蘇爲近若再能多搆傑句出以醞藉更躋勝境矣十一月二十五日記

歸樸齋詩集目錄

戊集下卷

楊伯昂激雲出示先世書畫冊題二絕句

題陳小峯鑑印存

劉氏山林九首

養晦堂

遂初園

潛樓

玩易閣

繹禮堂

迎薰館

脩篁寮

天游臺

侶鷗亭

王湛園解湘鄉篆回省賦詩贈別

題黃烈女絕命詞後

題張力臣小像卽以志別兼呈郭筠仙丈

別舍弟栗誠二首

七月晦日舟次嘉魚小雨初過無聊就枕夢筠仙丈攜乾肉一方贈行且曰北風甚烈吾爲若禳之舉扇四搖狂

颿倏轉舟子懽呼瞿然遂醒則賣魚聲誼也詩以紀之

卽次筠丈賜詩原韻

題江夏令王君庭楨忠孝錄後

舟過荻港有感

次韻答湯小秋

舟次高郵答小秋仍用前韻

懷李眉生

雨

別歐陽鑒非

過桃源贈湯慎台兼示小秋

八月廿七夜宿桃源縣之眾興集夢入 覲後授職都司
交李伯相差遣出都門作詩一章覺後忘末二句乃續
成之

墨

雙聲詩

題郭子美軍門思親釋甲圖

送李幼梅

柬劉伯固康侯兄弟

叔母熊伯夫人輓詞三章

送饒雲卿之汴梁

題聶仲芳所藏明人書冊

桂

五月五日簪洲阻風示靜臣弟

將至蘇州訪李香巖先投以詩

東蕭賸甫

過天津謁合肥相國作一律東吳攄甫

上臚毅伯李相公

立秋後二日舟中作

送張魯生奉使日本

送陳荔秋太常使西班牙諸國

送王霞軒觀察之官安肅道

壽敖庚渠先生

中秋懷黎蕤齋

次韻答吳桐雲

附錄原唱

疊前韻再柬桐雲兼示舍弟栗誠

有感而作仍疊前韻

四疊前韻送勒悟九廉訪之官江蘇

酒樓小飲席閒放言疊前韻

疊前韻寄懷郭筠仙丈

疊前韻壽周荅農丈

潘伯寅侍郎招飲歸途得一律兼呈張薌陶太史

過荇農丈縱談言伯寅劬學好賢似儀徵相國更賦一章
周荇農丈得工細山水橫幅八卷分題四卷各得一絕

題周荇農丈思益堂詩集四首

送黃漢仙駕部入蜀二首

題莊毅公塔斯哈暨其子武壯公長瑞勤勇公長壽三傳
後

題荇農丈所藏應山楊忠烈公尺牘墨蹟卷後

前詩意有未盡復成五絕句

以舊作雜文示張薌陶太史賦呈一律

與薌陶論春秋三傳微有駁議又作一首

次韻答湯小秋

寄懷王叶亭表弟

題裕時卿方伯搢雲圖小像

題白蘭岩年丈所藏錢竹初湘江攬勝圖

題白蘭岩年丈畫石

爲梁曦初侍御題張君度山水直幅

爲曦初題曹次岳山水直幅

歸樸齋詩鈔戊集下

湘鄉曾紀澤劬剛著

楊伯昂激雲出示先世書畫冊題二絕句

義獻聲名亦偶然臨池辛苦幾人傳
縹緗不壞精神在挽底龍蛇盡得仙

徐渭丹青絕世無香莊妙筆具前模
多年歷盡紅羊劫畱得瀟湘嶽麓圖

題陳小峯鑑印存

故老風流陳一峯鍊成寸鐵斫蛟龍
有兒紹業爲弓冶神似人間黃小松

劉氏山林九首

養晦堂

孔翠罹羅悔羽翰
鸞皇軒翥出雲端
高山流水都成操
不遇鍾期莫與彈

遂初園

夷惠脩身都有道
禹顏易地將毋同
種花晴昊分秧雨
盡在先生杖履中

潛樓

危樓特立俯千峯
放眼有時觀萬里
黃霧縑塵掃不空
世人那得窺吾美

玩易閣

上聖庖犧不可知近從姬孔認吾師
畱情未鑿中央帝任爾亡羊相背馳

繹禮堂

微觀尊彝列兩楹頗聞簫管鳳鳴聲
須臾明月照虛室滿几韋編一短檠

迎薰館

牕外榴花著意妍繞園深樹亂鳴蟬
農歌村笛饒天趣那在瑤琴學五絃

脩篁寮

擇地依山便築亭
畱心護筍都成竹
時聞幽鳥促花開
更有和風吹酒熟

天游臺

後簷榆柳前桃李
早綠芭蕉晚赤楓
上有高臺兩道友
雲將雀躍遇鴻濛

侶鷗亭

生兒專令勤南畝
家有千金享敝帚
避世恰非嚴子陵
匡時且付磻谿叟

王湛園解湘鄉篆回省賦詩贈別

江夏黃童不可雙
豐碑騰燄照奔瀧
長畱浩氣千虹蜺

五結晚切

見賢侯紹駿厖雷電施仁同雨露蕭蓬從古妒蘭茝如何藁箒
蠲蜀狗颯颯西風促客艘

題黃烈女絕命詞後

當年劫火正燒天碧血丹心半不傳苦節湮沈隨逝水伊人智
略邁羣妍謝娥有術誅申氏嬌覽無門召戴員形管若增閨秀
傳先披劍俠續新篇

題張力臣小像卽以志別兼呈郭筠仙丈

汨羅江亦洞庭源中有佳人我所慕北極霑恩曾靈霖南箕騰
謗任囂喧驪駒萬里神明屬嚶鳥三年笑語溫待報蕭朱眞結
綬可能降志就高軒

臺澎三古宅狼狽 聖代文明漸海隅
甌脫從今非隙地矢光
何日耀威弧聞君頗解狄韞語
昔我曾披王會圖學博各宜甘
豹隱技成莫幸有龍屠

先子神交不數人東南竹箭美
霜筠與君道義詩書好匪獨枌
榆里閨親宦海人間原浩渺
卿雲天上自輪囷流分清濁從來
忌端賴林宗護薦紳

顧兔踰烏不可羈秋風容易別離時
雕蟲篆刻且相贈神馬尻
輪方自茲蕉葉輸君終日坐杏花約
我仲春期歸來更賞絮園
景也洗緇塵倩畫師

別舍弟栗誠二首

天教法護劇奔馳卻放僧彌盡孝慈棧豆羈身容可免 觚棱
泥首未宜遲夜牀風雨相要約春草池塘起夢思待祝萱堂千
萬壽與君同賦碧桃詩

江漢淮河路正賒秋風尼我洞庭槎家園粗糲良多味人世波
瀾信未涯寄子新詩歌墜雨羨君長嘯醉流霞蠟梅牕外勤澆
水看放歸時滿樹花

七月晦日舟次嘉魚小雨初過無聊就枕夢筠仙丈攜乾
肉一方贈行且曰北風甚烈吾爲若襖之舉扇四搖狂
飈倏轉舟子慍呼瞿然遂醒則賣魚聲諠也詩以紀之
卽次筠丈賜詩原韻

詩禮無由更過庭
輕將薄植貢 王廷孤舟又渡重湖碧
人世知逢幾眼青
海國謀侵荒服地
天山詔起少微星
公來我去緇塵裏
魏照何年再執經

長江千里葦杭通
乍斂炎威細雨濛
新月幾時來作伴
醇醪破寂近無功
夢中叨賜牛心炙
挽底爲迴鷁首風
覺後高歌誰見賞
綠臙丹臉一漁翁

題江夏令王君庭楨忠孝錄後

人生臧穀等亡羊
知命隨時有吉祥
一夜旌幢都改色
千秋日月與爭光
雲連楚尾吳頭黯
江共丹心碧血長
節行褒崇兩裔
絕後賢吟嘯空蒼茫

舟過狄港有感

夜御飛輪涉激湍白雲何處問劉安
亂飄木葉南風急忽浸牕櫺素魄寒
唱些招魂煙水渺期君入夢海天寬
長鯨永逝無消息萬象蒼茫孰一搏

次韻答湯小秋

蒹葭秋水見伊人贈我琅玕錦繡珍
丹桂綻金三五節赤楓流火九重宸
千時頗恥言爲律歸隱還期友輔仁
廉吏可爲優孟在卻慙公姓未振振

舟次高郵答小秋仍用前韻

阿閣鸛皇曠代珍高門幾見鳳毛振
漫言小范承勛閥正愧恬

侯侍 帝宸陳軫應容無事飲孝章空說有名人長虹貫月今
如昨且學滄江米友仁

懷李眉生

牙樯颺迅三千里心緒縈迴十二時自有先疇鄰碧水卻承勛
蔭拜 彤墀卿雲甘露時方泰流徵清商和者誰鉛槧縱橫天
所與胥臺一客是吾師

雨

少年驅邁俯羣流意氣軒昂隘九州豕異遼東甯可獻馬空冀
北抑誰求舟行頻日風連雨心病經時夏復秋鳴鳳在岡魚在
渚庸凡宜得早歸休

別歐陽鑒非

湛盧出手膾長鯨一艦疾風定百城句當江南歸衽席經營淮
北又聲名漕河鷁首行相接斥堠狼烽晏不驚鶯谷三年重握
手怪君被服益儒生

弈世交親石比堅馬簷車笠在前篇林園鶴靜從吾嬾風雨雞
鳴念子賢欲賦南陔供菽水待平東海作桑田龍蛇落紙雲煙
起爲祝靈椿千萬年

過桃源贈湯慎台兼示小秋

門外驪駒聽我歌歡悰吾憶上新河棋雖成癖心機淺酒不能
酣搏戰多三載班荆重會合二毛登鬢各蹉跎梅花開放君相

候更作雲光電影過

八月廿七夜宿桃源縣之眾興集夢入 覲後授職都司
交李伯相差遣出都門作詩一章覺後忘末二句乃續
成之

撲面緇塵同霧塞回頭黃屋已雲封揮毫曾賦能言鳥學射新
師獨眼龍狗曲談經成底用魚門懸胄若爲容馬曹不稱參軍
職守拙歸尋七十二峰

墨

九流三教日相過善晦無嫌技術多牆石稜稜坑塹密此生經
得幾回磨

雙聲詩

朗吟瀏亮棟林麗
荔縹簾櫳柳掠籬
縹縹兩聯藍蘆絡

漢樊先碑疏

格大布之衣

玲瓏六綰綠瑠璃
欄廊列簍畱菱栗
鄰里臨樓斂李梨

醴醑累鱗涼溧溧
連疊屢漉爛淋漓

荷褐號寒換貉狐
環鑄沆瀣合餽餉
娛鬢澣穀懷槐桁
巷戶行

殺榼瓠壺橫翮皓
鵬還迴峽回翰黃
鶴下洪湖賢豪閒
街玄鴻

話東坡在武昌西山亭見題壁句云玄鴻橫號黃櫨峴因爲對云皓鶴下浣紅荷湖今刻本皆作下浴爵不明雙聲者所改也

後學何

嫌和護乎

題郭子美軍門思親釋甲圖

吳楚燕齊百戰餘
北堂華髮倚門闔
秋風吹攪蓴羹思
歸飽重

湖縮頂魚

綸綽從天本至公屏居大樹不言功白華朱萼笙詩奏歡勝同袍五等崇

帕首韉刀兩目瞋翛然被服易儒巾甘泉圖畫關氏像先繪麒麟閣上人

與君異姓爲昆弟樂敘天倫事已非崇德加餐交勸勉後車明月借前輝

送李幼梅

鑄鼎荆山地作湖烏號不墮返威弧縱無上壽符三祝已顯神功奠九區
嗣聖重踵輝帝座敷天八表仰皇圖垂簾詔下神

人悅復旦光華萬象蘇

翔鷟健翮欲摩天瀛海瓊筵遲列仙盛世三靈照紫極宏才萬
中仗青錢勳名鐘鼎承鴻緒文藻江山啓象賢更欲期君千載
業早收魚兔棄蹄筌

柬劉伯固康侯兄弟

鄉間春氣暖二月已聞蟬繞屋桃如火環塘柳作棉荷君治舊
圃催我買歸船四海九州事蒼茫莫問天

仲寬風雅士志趣一何奇誰與窺琴旨年來隱畫師蜚聲無聞
苑奮翅欲天池去寫西湖勝因風爲我貽

叔母熊伯夫人輓詞三章

天闕陰雲重星光寶婺沈乾坤一彈指家國四傷心鳥語春歸
早鼉更夜坐深湘靈迎翟茀五日釀愁霖

黃絹綰雙龍絲綸下九重兩河新奉使五等舊分封任子隨
趨 陸郎官習折衝繁花正晴昊鸞鶴渺仙蹤

雙桂發華滋僧彌亦白眉慰君苞杞慟增我蓼莪悲素輶傷猶
子青眸荷曲慈濁醪不成奠墮淚已盈卮

送饒雲卿之汴梁

江頭習習動南薰鴈首微旛五色文良驥貴能霑赤汗翔謁自
足致青雲安排日月甘閑局整頓乾坤仗舊勳三疊陽關梅子
熟齊絜爲汝息炎氛

題聶仲芳所藏明人書冊

鐘鼎山林各有名一天清露萬花英
且將南雪樓頭月移向嶽雲齋上明

桂

白雲東去雁南飛秋滿園林花事微
收拾眾香成一界超離百卉不同腓
疎枝未礙銀盤照勻幹無煩玉斧揮
散盡黃金清骨在更偕松檜敵霜威

五月五日薛洲阻風示靜臣弟

節序雕弧送僕姑鬢毛飛雪入髻須
扁舟饌具角生黍野岸人家門插蒲
美玉憐君藏韞櫝祥金譏我躍洪鑪
閒愁萬種夢無

緒更念三閭屈大夫

將至蘇州訪李香嚴先投以詩

連宵好夢在瞿園盤瓊縱橫笑語溫打鼓發船驚我覺揮毫落
紙與君言雲迷大澤龍蛇蟄日冷高門燕雀喧賸有談鋒健猶
昔各疏黃濟辨清渾

東蕭廉甫

黃河易塞山能移過隙駒光不可追薄霧何曾饒鈍眼飛霜漸
復上新髭谷中嚶鳥纔成什門外驪駒又入詩各有青雲宜努
力非從宦海問津涯

過天津謁合肥相國作一律柬吳摯甫

石城一別經七年喜接芳塵歇浦前令子璠璵原國器先
師宰木已新阡多君頗擅西來法此去重瞻北極天舊德
新恩知不忝那誇博望有張騫

疊前韻再柬桐雲兼示舍弟栗誠

禮悟尊彝始製年詩通箋傳未成前過庭曾授經盈筍述德無
須表在阡新挾金城十二策晨朝玉闕九重天蓬萊縱有通
幽徑欲往從之馬腹騫

有感而作仍疊前韻

夢逢仙伯與疑年生在義皇御極前姑射爲山初覆簣藍田種
玉未開阡學徒分布瀛洲島謫降猶居兜率天試問金丹更無

訣長吟永嘯已騰騫

四疊前韻送勒悟九廉訪之官江蘇

翰墨聲名四十年縱橫文陣往無前渥承 湛露頒綸綍廣沛

甘霖慰陌阡南下漕河千里水東臨吳會九秋天先君直諫多

聞友可有箴言策跛騫

酒樓小飲席閒放言疊前韻

浪得才名亦有年恥居王後愧盧前文壇微幟走鵝鸛經訓蓄
奮開陌阡偶和陽春歌白雪欲邀明月問青天鶴鳴清越同鸞
臆肯共羣飛爭沓騫

疊前韻寄懷郭筠仙丈

醴泉甘露中興年象笏鸞旂 便殿前長府自應仍舊貫井田
誰敢議新阡人生毀譽亦由命世事乘除休閒天但信唐虞登
稷契莫疑陳蔡困淵騫

疊前韻壽周荇農丈

蓬閨脩眞忘歲年丹成班列松喬前心地吉祥白生室硯田腴
潤青滿阡諸佛三世證夙果文昌六星廳中天東海栽桑復栽
竹南山不阡亦不騫

潘伯寅侍郎招飲歸途得一律兼呈張薌陶太史

碧水澄懷玉立身梧觴豪舉笑談眞時聞石破天驚語喜對塵
空眼淨人日暖難融簪上雪壺乾且瀟灑頭舂據梧枝策不成

響昭氏鼓琴誰與論

過荅農丈縱談言伯賓幼學好賢似儀徵相國更賦一章
出持旌節入綸扉宏獎英奇眾所歸滂喜齋中新氣象擘經室
裏舊風微封章薦士豈求賞戡亂成功甘息機正是繁花晴昊
日松筠漸恐與時違

周荅農丈得工細山水橫幅八卷分題四卷各得一絕

山澗通湖一鏡平陰雲欲散月初明夜深不問船多少臥數洲
前柔艣聲

不露千山點綴工平鋪玉屑掩青蔥梅花欲得清新句故向寒
雲深處紅

泉聲遠近成宮徵雲氣陰晴雜往還卜築幽林朋輩少招邀松
檜伴秋山

開簾除卻舊書廚根福軒中一物無窗上吉祥雲擁護爲藏福
海壽山圖

題周荅農丈思益堂詩集四首

木落蛩吟悲晚秋荒園茆舍小於舟貪從蟬蠹爭餘味癡就蟲
魚策遠猷僕睡強留鐙作伴歲飢行借斛量愁鍵門研誦濂溪
集一灑煩襟豁倦眸

卿雲五色神鸞迴太華三峯秋隼翔名世文章多絢爛昂霄風
骨自雄豪雌黃騰謗南箕翕清白揚輝北斗高燒取一編和蜜

飲勉收凡卉續離騷

圖籍縱橫酒瓊深興酣撫劍作雷音何堪大廈棟梁任自保歲
寒松柏心史氏貴兼才學識釋家常說去來今夙因不證蓬瀛
果卻對天仙放浪吟

先子騷壇建鼓旗涪翁奇拙是嚴師不敏請事斯語矣下士聞
道大笑之時論尊唐常抑宋吾生承治不爲箕舍南署榜稱雙
井欲向東坡句小詩

送黃漢仙駕部入蜀二首

橫說詩書從六弢豈徒文采冠吾曹醉攜尊酒邀明月夢席天
風挫怒濤奮翅緇塵黃霧表昂頭玉壘石門高籌邊樓在風流

歇新葺椽葦待僑髦

先子星輅駐桂湖酒闌題句示新都蜀山秦樹自朝暮竹蜨楓
鳴今有無轍跡所畱雲在眼弓裘未紹雪盈顙他時秋水荷花

候君與描傳粉本圖

先太傅於道光癸卯典試四川過新都桂湖楊升庵修撰故宅題詩五首有句云翠竹俱寒蜨丹楓噪暮颿又作楹聯云五千里秦

樹蜀山我原過客一萬頃荷花秋水中有詩人○轍跡一聯初稿作三十年來滄海變五千里外白雲孤又改作遺集崑岡存片玉深情赤水隱玄珠周自庵丈爲易之云經守晏楹慚舊鑿詩從涪老索前遺韻勝情長非吾所及不敢撰爲已有爰師其意更綴二語也

題莊毅公塔斯哈暨其子武壯公長瑞勤勇公長壽三傳

後

驚砂入漠馳回鶻勁翮垂空挫怒鵬殘月五更星睽睽寒風萬
里雪稜稜絲綸 帝闕恩波遠旌旆天衢瑞氣凝苜蓿莊名千

古在史編騰燄照青鐙

西塞威名不可磨南征風節又巍峨三銘衣帶成仁贊雙奏壘
簾正氣歌忠裔旌忠天所憫將門出將理無訛文家軾轍承明
允贏得斜川振玉珂

題荇農丈所藏應山楊忠烈公尺牘墨蹟卷後

騷些賡酬楚水濱後塵踵武得芳鄰六經羽翼三成札萬古綱
常一致身至大至剛天地塞曰貞曰悔水雷屯衢霄碧血凝霜
雪鵝鳩哀鳴草不春

前詩意有未盡復成五絕句

五夜騰輝照碧空樽桑萬葉射雙瞳當時昏暗無天日光斂忠

臣翰墨中

羣小何能戾薦紳鸞皇往往困荆榛
化工作意維名教故遺煩
冤閉九閭

控鶴驂鸞事有無眞靈位業別成圖
神仙自與天同老不藉丹
砂入藥鑪

北風雲漢畫中景流水高山琴上音
勝國畱遺忠義蹟感人猶
有淚霑襟

根福軒中萬寶羅日馴孔翠狎蛟鼉
鰕生迂議編籤軸此卷應
班最上科

以舊作雜文示張薌陶太史賦呈一律

硯田無穫不甘貧筆陣猶思鼓兩甄與管說天蠹說海學雷鳴
夏鳥鳴春多君直諒信吾友希古文章誰與倫壘壤百搏終苦
齟媿無堇埴問陶鈞

與薌陶論春秋三傳微有駁議又作一首

湘綺樓中經學昌頗譏盲左右公羊一辭游夏猶難贊三氏春
秋各有長墨守本無堅壁壘丹成不愈舊膏肓數端疑義傳千
古待質君家丞相蒼

次韻答湯小秋

蒼尾蝸廬小似舟落楓殘菊送三秋苦遭黃霧縉塵泥回憶清
谿白石游炙輠萬言傾笑語盍簪幾日縱觥籌雄談驚座吾能

和俊句宜人子獨優

久從猿鶴陟屏顏忽逐鸛鷺點末班世變無窮天海表詩情常
在水雲間醉歌新曲玉連瑣門燕沈香金博山更向梅花尋好
句篇成郵寄秣陵關

寄懷王叶亭表弟

童稚親朋四海分王生差足張吾軍江干把酒三更月天末懷
人萬里雲十載蟄龍同蠅屈一飛孤鶴出雞羣甘涼自古功名
地崇德加餐兩勸君

題裕時卿方伯堵雲圖小像

衡嶽撐天七十二峯使星曾照碧芙蓉畫師解識因緣偈蒼白雲

間狀曳筇

神清骨重地行仙
妙筆難從蠟屐傳
會布祥雲符眾望
半爲甘雨半晴煙

題白蘭岩年丈所藏錢竹初湘江攬勝圖

組縹珪分不繫
留洞庭青草一扁舟
長流膏澤在輿誦
稍挈林巒供臥遊
翰墨有緣天所與
江山無盡筆難收
春風也攬蓴鱸思
展卷爲公詠九秋

題白蘭岩年丈畫石

南岩清趣勝南阜
各寫鑪峯一段雲
自有神工通胖蟹
人間俗筆徒紛紜
蓬萊三島海天表
嶽麓千秋湘水濱
更盡蟻醅吞麝

墨揮豪爲我灑炎氛

爲梁曦初侍御題張君度山水直幅

我家漣水入湘川
疊嶂攢峰擁數椽
三徑壺觴成契闊
九衢輿蓋逐喧闐
緬懷寫月圖雲筆
小結樵林釣澤緣
執卷還君入行篋
長途晴靄起非煙

爲曦初題曹次岳山水直幅

畫馬將軍魏武孫
秋崖異術亦同源
試從明媚窺雄健
那有時賢鏤刻痕

庸俗解師玄宰翁
誰從象外得神工
奇珍豔黷難爲贗
別有清華射兩瞳

詩集戊下卷

十八

海上蓬壺金碧暉青葱杳靄是耶非征颿去歷東瀛道不藉新
圖狀翠微